



25377


1. Aufl. komp.

Mag. St. Dr.

P

25377







ORATIO  
FVNEBRIS

I N

DEPOSITIONE CORPORIS  
ILLVSTRISSIMI DOMINI,

D. STANISLAI  
LVBOMIRSKI,  
COMITIS IN WISNICZ,

PALATINI CRACOVIE:

Zathorień : Szczepusień : Niepołomiceń : &c. &c.

C A P I T A N E I;

*Per STANISLAVM DROZDOWSKI Studiosum Eloquentia,*

E D I T A.

CRAC. In Officina Viduae & Hæredum Andrea Petricouij,  
S. R. M. Typographi. Anno Domini 1649.





253771

Hic bene Lechiacas Ganges dictabat arenas,  
 Traximus vnde bonos, aurea sæcla dies.  
 Hæc vada detinuere Getas quietisque Polonæ:  
 Fluctibus enarrant, nomen in axe suum.  
 Clarum nomen erit LVBOMIRSKI patria clarus,  
 Hoc Gentes fluidis clarificauit aquis.



ILLVSTRIBVS AC MAGNIFICIS  
DOMINIS, DOMINIS,  
COMITIBVS IN WISNICZ,  
ALEXANDRO LVBOMIRSKI  
SVPREMO STABVLI REGNI PRÆFECTO,  
Sandomirień: Zatorień: Niepołomiceń: &c. &c.

CAPITANEO.

GEORGIO LVBOMIRSKI,  
GENERALI MINORIS POLONIÆ,  
Cracouień: Chmielniceń: Scepusień: &c. &c.

CAPITANEO.

Tum.

CONSTANTINO LVBOMIR-  
SKI, Sandecensi, Białocierkwienſi, &c. &c.

CAPITANEO.

Dominis, Dominis, ac Patronis Colendissimis.

**P***Er exigui fateor est hic momenti labor meus, IL-  
LVSTRES ac MAGNIFICI DOMINI, Ve-  
stra gloria, qua Sapiente teste, Parens est filiorum,*  
A 2 *hoc tem-*




de temporis spatio ad poli credo oras transsumpta,  
ec non & terris relictæ, sic eximias breuibus recen-  
ris laudes ( ut non rem Ingenio rei at ingenium  
fuisse arbitremini ) Vestra admiranda excellentia,  
excellenti præstantia, præstanti nobilitati, obstricto è pe-  
tore, dicatus, litatus, ac consecratus. Quem, ut  
magna sum in spe, obsidem atq; vadem, propensi mei  
in Vos, innato singularis decore humanitatis experto,  
multoties à me, spectatissimos studij, quod Interpres  
mentis depingit vultus, fore; Cum sit proprium  
Vobis haud quid, verum quo illud offeratur attende-  
re animo; laboris in præsentis mei dicatione est qui  
mihi maximus. Quapropter illum quo offertur ani-  
mo accipite, tanquam erga Vos animi mei signum,  
meq; ut hactenus, sic in posterum, sua prosequamini  
beneuolentia, cui me commendo, Numen Ter Opt:  
Max: ut Vos ad totius Reipubl: gloriam quam diu-  
tissimè seruet incolumes, orans.

Observantissimus semper

Cliens,

Stanislaus Drozdowski,  
Stud: Eloquentiæ.





# ORATIO FVNEBRIS.

**D**ifficili plerumq; freno conceptus semel corde solet hoc contineri dolor, quod exiguus putetur ni lumine se aut ore prodatur; quod & hâc atro æquè signandâ luce lapillo nobis contigit, mærorem vt animis insidentem, quem ex amisso hocce temporis interuallo pignore attraximus certissimo, intra penetralia pectoris comprimere vltro nequeamus, quin illum prodigo reſeratae mentis effundimus ſinu: lugentes atque quidem merito lugentes iure, Vos titulis Præsides vestrîs Nobilissimi, optimum affectu Patrem vestrum, cura qui Vos, labore ac assiduitate, nec non vigilantia sua incredibili aluit, fouit ac conseruauit: amore Patronum ego, illius qui sumptibus hoc vsque ad temporis interuallum literis dedi: omnes denique omnia cunctis factum, sublatum mortiferi vi morbi, quem, quàm diutissimè non nobis ipsis solum, at & Reipublicæ optabamus victurum. Currunt vndantes riui lachrymis



de lumine , guttamque volentem gutta sequitur , ruit ;  
properat , premiturque , premitque vicissim ; sub imo  
Sulpiria inferuent corde, tristesue cient super æthera lu-  
ctus , atque lugubres eiulantium voces , suam ipsorum  
miserantium sortem , audiuntur , nec obscuris, magnis  
sed, oculis in omnium ingenti à dolore merita ingentia  
inscripta characteribus leguntur , nullis huius indigen-  
tes testibus qui ipsi exemplo sine dolemus , eo ipso al-  
tius maiori quod iudicio casum hunc dolemus tam a-  
cerbum. Quem ut etsi non sanare, utcumque ; tamen leua-  
re inusitatum queam dolorem , haud mortuum osten-  
dam illum ; cui dum me accingo Vestri aura fauoris  
suauiter obsecro speret mihi, tantoué sis Latinitatis de-  
cus micantissimum veniâ in concedenda benignius ,  
quantò videtur mentis meæ acies tenuior , docendo-  
rum series cumulator , docendi Stylus humilior. Acta  
ad miraculum rara, admiranda ad exemplum , singula-  
ris ad encomium , eius vita , speculum meo nobilissi-  
mum est ut puto consono veritati prolato : eo cum no-  
bis ipsis Sarmatico tum Orbi victurus perpetuò. Si  
nam illud virtutis est robur , ut etiam nullo vnquam  
spatio quos vidimus temporis admirari , amare , dilige-  
re , colere , venerari , atque imitari nos faciat ; quomo-  
do haud tantum natali notissimus solo , verum etiam

vniver-



vniuerso terrarum orbi industriæ ac laboris speculum,  
incomparabilis ornamentum eruditionis, cunctarum  
& virtutum haud exemplar erit? desinamus funestis  
animum curis neque non vano vexare metu. Viuit &  
tantò gloriosius viuit, quantò magnificentius piam il-  
lam animam suprema in Beatorum illa sede æternis  
Beata sideribus, lumine felici ac felicitate felicissima,  
commemorabilis pietas, studium Religionis inaudi-  
tum adornant, condecorant, illustant. Amissum ne  
credamus vnicum delictum nostrum, virtutes enim e-  
ius æternæ quæ illius Beatitudini præludebant, ac hic  
domicilium animæ eius magnæ illustrabant, viuam tan-  
tum speciem oculis cunctorum nostrum subtraxere,  
ipsæ verò nequaquam poterunt experiri mortalitatem,  
quorum ergo & ipse ore in mortalium perennem aget  
vitam. Atque hinc lætandum magis est nobis quod e-  
um habuerimus, dolendum quàm quod eum amiseri-  
mus: illud nam gratuitum Numinis erat donum, hoc  
verò est debitum, si præsentī dono Dei vt singulari vti  
beneficio sumus, haud ereptum nobis, repetitum at il-  
lum, ab authore iudicabimus; nec tamen amisimus eum  
per hoc, cū nobis sit quod imitemur in eo perpetuo.  
De quo quid dicam primo aut præteriero? vultu com-  
prehen-



prehendere iubet dolor omnia, è diuerso dicendi copia ordinem expostulat. At quis insumi ordo possit ea in re, in qua omnia est videre acerba, tristia, confusa, fletu, luctu, lachrymis referta? ignoramus an forsitan affectam mentem sicut sibi ipsi non consistit ita variare omnia, alternare, miscere consueuisse? cæterum pars vt prior ei, res de quo nobis est tribuatur, amor partim, partim quiscunque efflagitat ordo. In quo haud absurdè facturus videbor, generis si nobilitatem prætermisero, quæ si vllis vnquam summis fuit splendida viris? illi splendidissima censi debet iure. Quam præter, fuere illi excellentiora quædam nec non sibi propria, quibus ad hoc dignitatis culmen, in quo tanquam quoddam sublime & luculentissimum resplendebat sidus sese extulerat, gloriamque; quæ apud nullam posteritatem est vnquam interitura, suis ipse virtutibus, laboribus suis, suis studijs, suâ denique vitâ probatissima, sibimet comparauit. Credo equidem in puero etiam illi tenerisue in annis, intra penetrabilia pectoris Salustij illud Vestris auribus haud indignissimum inhæsisse assertum. Fortunæ ac cunctorum bonorum temporalium fluxam esse gloriam, æternam verò haberi virtutis quæ illi quendam velut stimulum adhibuit, vt ad stabilia



stabilia ac optima quæquæ contenderet, & nec suo frustratus remansit conamine: cùm sic exuberanter quicquid virtutis sparsim est, consecutus esset, in Orationis vt cursu subdubitem à qua mihi sit auspicandum. Vetus Scriptorum authoritas, ac Classicus Historiarum Chronigraphus, quoties Illustrium virtutes commemorat virorum, priscos Reges, Principes Magnificos, Duces virtute plurimâ & militari insignes disciplinâ, nec non multos alios in quibus facinoris aliqua fama est comperta, afferre habet moris. Laudat in eis benignitatem, sanctitatem approbat, extollit magnitudinem animi, probitatem, virtutumque multiforme exercitium in eis primum prædicat. At hos æquali iste virtutum insignio haud æquauit tantum, verum & supergressus longe est vniuersos. Conserto cuius choro virtutum, quo vndique stipatus incedebat, præsentem Amplissima hac Vestra, Magnifico præstantis ingenij, doctrinæ singularis, variæ cum rerum tam verborum suppellectilis apparatu, Illustrium corona, eximijs decorando laudibus, summis extollendo titulis, Diuinis celebrando panægyricis, vtinam ornatior, dicendi vbertate atque copia, sententiarum pendere atque pretio, acuminum præstantia atque valore, vocem suam aliquis consecrasset Orator. Communi mihi namque



hoc Vobiscum dolore ad stuporem confuso, qui dicendi ornatus? copia verborum quæ? quæ potest ingenij adesse vis obsecro? ni quia & Vos quoque peracerbo in luctu, exquisitam verborum haud pompam quæritis, & neque tam perfectum ac consummatum dari posse quem Oratorem, euocata etiam ipsa è antiquitate vnâ mecum creditis, cui tanta ingenij dexteritas, tam melita facundia, tantum dicendi flumen affluat, suâ qui Oratione quantumuis copiosâ & ornatâ, ad gloriam, fastos æternitatis, Historiarum volumina, promouendas illius virtutes, vt par est consequatur, in quibus non exornandis vel illustrandis dicam, at & vix attingendis Eloquentissimus quisq; minus se fateretur eloquentem. Iure nec non merito: quid enim haud summo in eo præconio dignum? quid eximia haud indignum laude? imò quid non Diuinum? Religionis summa semper illi ratio fuit ac authoritas, ipsâ templorum teste ædificatione, largitione eleemosynarum, orationum frequentia, vtque multa complectar paucis, ipsis beneficijs, tot clientibus, tot Sacerdotibus, tot Religiosis, tot Monialibus, & ex omni ordine & conditione mortalibus, id ipsum testantibus, præstitis innumeris, amoris Dei ergo. In augmentum fidei eius ita feruidus, vt per omnes vitæ suæ dies, nihil tam mente

versa-



versaret, quam quo pacto pacatis inter se Principum  
simultatibus inimici Christi Turcæ profligarentur, quos  
suo periculo parua manu equidem, at ingenti animo  
prosternebat adeò, vt dum faciem induisset Martis,  
ex ipso aspectu territus hostis eum sui agnosceret victo-  
rem. Et ratus tergo pugnare quàm ferro, pede pedem  
in pauidam propelleret fugam, vt sic ei satis fuerit,  
vel animosam opponere frontem. Sed non poterat  
ita euadere, quin succensâ manu fugientis promeret  
dorsum, & Nobili suo ferro in illius ceruice lethales  
duceret lineas; nam magnum pectus vbi semel arserit,  
non mitescit, at Martios exurit in ignes. Et quidem  
hoc debebatur virtuti illius vt fœtum produceret inui-  
cti roboris, quo altior factus intra hostium secures au-  
dacem confunderet ictum, sperneret atque minas,  
illâue ingenti famâ, noua nomini addiceretur moles,  
quam æmula miraretur posteritas. Sciebat quippe pro-  
ceras mentes non captare sed mæreri gloriam, nec otio  
acquirere, sed liberali in Patriæ decus sudore, ac ex-  
celsi robustâ cruoris profusione. Cui adest illius haud  
enarrabilis, solum in natale amor, meridianâ luce cla-  
rior, in consilijs, rebus indifficilibus datis, quibus sine  
nulla diu subsistit Respublica: & hæc sic cumulativè in  
eo contemplari licuit, vt quod in hoc maximum habe-



sur, omnium gerendarum rerum velut quidam Diui-  
nus vates, & initia, & exitus, multo antequam euene-  
rint, perspiceret quam sagacissimè. Ob quod illi pro-  
digio mentis sinu, immortalis testimonij, appendit Res-  
publica pensum, concordi cum omnium Procerum  
suffragio, vnum illum voluit, qui theatro Sarmatiæ,  
sapientiæ præluceret splendore. Id enim proprium vir-  
tutis est, plures ad vnius nexum conuenire laudes, &  
quidem gloriosius nemo dignitatem quam sapientiâ ob-  
tinet, purpurauè illi maximè decora, cui plurimum ru-  
bet profundæ rationis colore, quod in hoc manifestè  
patuit, quia sapientiæ illius magnitudo, inter angustos  
communitatis cancellos, concludi non poterat; debuit  
in totius Reipublicæ ornamenta sese diffundere; nempe  
vt maximorum est fortunam tenuisse præ alijs, sic opti-  
morum deriuare in alios. Quapropter dudum ales Sar-  
maticus suspexit illum virum & coluit, vt in quo Re-  
gno fortunas, pacisq; trophæa, ad laudis & gloriæ a-  
dultam reponeret messem. Ille testis quoties mellitâ  
facundiâ hic suo, durissima mortalium pectora velut  
quondam Orpheus suam in sententiam traxit, quot dis-  
cordias, quot Magnatum odia, quot diremit simulta-  
res. Ipse Apollinis oraculo id verius esse declarauit,  
quod quondam vsurpatum est ab Eloquentiæ parente:

*Cedant arma toga, concedat laurea lingua.*



Cùm consultando tam priuatis quàm publicis in rebus, plus pro decore Patriæ laborauit quam alius quispiam. De liberalitate verò ac munificentia illius quid dixerò? quæ in eo sibi domicilium, sedesque perpetuas locasse putari potest. Laudatur plurimum Cyrus, laudantur & alij ob hanc vel solam virtutem, ille hoc in genere laudis tantum cæteris præcelluit, quantum inter dumeta pinus & antecitos Pegasus ibat equos: hoc sibi tanquam peculiare cæteros Magnates inter, vendicans, quod à Tito sæpè repetitum aiunt, ad eum qui dominatur multis attinere, ne quemquam à se tristem mæstumue abire sinat. quo sibi non amorem modo omnium, ac quemuis cum eo cultum, sed tantam quoque populorum accendit fiduciam, vt ad eum, ad Asylum veluti veniret oppressus, patronum eum suum innocens, virtutis promotorem bonus, egenus necessitatis subleuatorem, miseræque consolatorem afflictus appellans, omnes verò, Sarmatici istius delictum orbis, non vanis indigitantes titulis. Ac ecquid moror? quid solem mundi oculum nec non lucis parentem illumino? claritati longè latèq; radios spargenti mortales adstruo faces? quid vel lucis splendori debiles, vel fucatos pulchritudini appono colores? quasi enim hac ex nobilissima omnium corona vestrum dubitaret quispiam tan-



illum illum in cunctis abundasse, quantum nemo aut ingeniosus sua cogitatione fingere, aut cupidissimus incitate voluntate fuisset optare ausus. Verum sit qui dubitet, certe omnem illius vitam, regulam fuisse ad quam omnes suos dirigant dies, nec pudeat imitari licet assequi merito desperent, haud negabit puto. Fuit ad fortunæ ætum & aleam paratus, ita ut cum Milciade in aduersis constantiâ, in tristibus cū Æmilio lætitia, in lætis cum Valeriano moderatio, in cibo & potu cum Traiano, Antonino, Stephano Slauoniæ Rege parsimonia, in iudicio ferendo cum Cambise ac Daniele fortitudo, in pietate colenda cum Ludouico Gallix, Stephano Vngariæ, Casimiro Poloniæ, assiduitas, in morte deniq; viris cum pijs alacritas, nulli esset ignota. Viderunt omnes demersum eum ac plane oppressum mole dolorum; sine succo, sine sanguine, sine colore, neque tamen in tanta doloris materia indoluit ipse vnquam, aut animum deiecit humiliter, stante sed vultu atque siccis oculis sua spectans naufragia aduersus rerum immiserabilis vndis Marpesia veluti cautes stetit immobilis, contrauè omnem irruentium malorum impetum, armatum constantia opposuit pectus. Viderunt amplissimum in illo penetrabile virtutum, Vespasianos ut clementes, Theodosios ut faciles, Milciades ut constantes,



stantes, & quicquid vel dicendo, vel agendo, mortalem assequi fas est, totum hoc illi optato præ alijs respondisse successu, viderunt. Quibus in recensendis potius quam illustrandis fusiora facerem ego verba, si Alexandrum aliquem Cicatrices toto corpore exceptas iactitantem laudarem, non Magnatem innumeris præclaris virtutibus mirabiliter insignitum, Orationis meæ depingerem penicillo. Quare stabo iam ego; anima felix tua, quæ nondum ex hominibus recesserat, & iam cum Deo erat, nondum cum corpore diuortium fecerat, & iam illud relinquebat, nondum mori posse desiderat, & iam æternitatem inchoarat, per calcatas Dæmonum ceruices, per affectuum turmas felicissimo concisas Marte, per patentes laudum campos, immortalitatis conscendat metam, nec non curru aureo lucentibusq; quadrigis, inter confita palmis virentibus nemora, lætissimo volitet cursu, vbi inter altos Olympi genios eius fidus nullam patiatur Ecclipsim.

D I X I.









Biblioteka Jagiellońska



sidr0006426



